

Izjava visokog predstavnika Valentina Inzka povodom smrti Richarda Holbrookea



“Jutros sam sa velikom tugom primio vijest o smrti Richarda Holbrookea i želio bih da njegovoj porodici i prijateljima, kao i našim partnerima u SAD-u, uputim iskreno saučešće.

Odlaskom Richarda Holbrookea globalna diplomacija je izgubila jednu od najvažnijih i najpožrtvovanijih osoba. Ostavio je dubok trag u mnogim dijelovima svijeta, a posebno ovdje na Balkanu. On je bio izuzetno dinamična snaga koja je stajala iza pregovora čiji je rezultat bio prvo parafiranje Mirovnog sporazuma u Daytonu, a potom i njegovo potpisivanje u Parizu na današnji dan prije 15 godina. To je nasljeđe od izuzetne vrijednosti, jer je sporazum koji je dogovorio Holbrooke stavio tačku na tri i po godine dug krvavi sukob, potvrdio suverenitet Bosne i Hercegovine i pokazao se kao trajan mehanizam za održavanje mira u ovoj zemlji te pružio priliku za četiri miliona ljudi u Bosni i Hercegovini da ponovo izgrade svoje živote.

Ta ponovna izgradnja još je u toku kako Bosna i Hercegovina ide putem prema potpunoj euroatlantskoj integraciji kao prosperitetna, sigurna i potpuno funkcionalna država, a mi u Bosni i Hercegovini možemo na poseban i smislen način čuvati sjećanje na Richarda Holbrookea tako što ćemo ponovo iskazati svoje opredjeljenje potpunoj obnovi ove zemlje i završiti posao koji je omogućio Mirovni sporazum postignut prije petnaest godina.”